

富士川文庫

490.9
Ei-1
3

F 3
I-1

490.9
E / - 1
3

No. 5083



富士川文庫

1019

續編卷五

樹藝

收五穀種 齊民要術

凡五穀種子浥鬱則不生生者亦尋死種雜者禾則早晚不均春復減而難熟糶賣以雜糅見言炊爨失生熟之節所以特宜存意不可徒然粟黍穄粱秫常歲別收選好穗純色者剝刈凋刈高懸之以擬明年種子將種前二十許日開出水淘浮秕去浸種 玉氏農書

臘月取雪水貯瓦器內埋于地中至春間浸種則倍收且不生蟲

占年

農政全書

通天堯

卷五

樹藝

冬至日取五穀種各平量一升小罌或布囊盛之埋牆
陰地下後五十日發取量之息多者卽知來歲所宜也

開荒 玄富奇書

先燒去野草犁過種芝麻一年使草根腐爛然後種五穀

芝麻葉上瀉下雨露最苦草木沾之必萎凡嘉花果之旁勿種芝麻

以上種穀以下種花果

收種 花鏡

凡名花結實須擇其肥老者收子佳果須候其熟爛者收核則種後發生必茂其法在收子時取苞之無病而壯滿與果之長足而不駐者摘下日晒極乾懸于通風處或以瓶收貯各號召色庶臨期取用不致舛錯瓶須懸高處勿近地氣不生白曹如隔年陳種亦多不生

下種 花鏡

凡下花果種者地不厭高土肥爲上鋤不厭數土鬆爲良須各按時節見花歷臨下時核宜排子宜撒干日中曝乾擇淨然後合浸者浸之不浸者看其子粗則培入土內細則勻撒土面至富奇書云下子者須以灰泥合半將子雜拌干中按法撒之以乾濕得妙下訖卽以糞沃其上成行與打潭種者亦然下子日須天晴雨則不出下後三五日又須得雨旱則不生須頻澆水

果核須擇美而大者作種待極熟時望前干牆南向陽暖處鋤一坑深尺餘以牛馬糞和土填半坑將核尖向上排定復以糞土填平否則所生之實便不類其佳亦則恐爲虫蠅所食則無生理且難生細子下後必益以灰否至春生芽萬不失一但忌水浸風吹皆

能腐仁 又一法以泥包核圓如彈子大就日晒乾方

投糞土坑中尤妙

分栽 花鏡

一切草木分各按其時栽能得其法則長成捷子核種多矣凡根上發起小條俱可分必先就本根相連處斷而不動以待次年當分時移植仍記其陰陽不令轉易卽活若陰陽易位則難生矣大樹須髡不髡恐風搖則死若小樹可以不記不髡每栽必量其樹之大小先掘深坑納樹其中以泥水沃之著土令加薄泥東西南北搖之良久待其泥漿入根內已足再加肥土自無不活若此時不搖實則根虛多死其根上土決宜堅築惟留上面三寸勿築取其鬆柔易受水也每澆水過卽以燥

土覆之不然恐易乾涸埋定後不可再用手足動搖及

六畜觸突

但以棘刺圍于樹根數尺以護之

凡栽樹將大蒜一枚甘草一寸先放根下永無蟲患或根下納石鍾乳少許無不活者置果樹根則結子多
栽種以正月爲上時自朔曆晦可栽大木如松柏桐梓茶竹之類是也花果樹必須望前望後栽者必少實二月爲中時可栽百卉三月爲下時不宜栽者多矣凡花木又有夏秋冬三時分栽者其詳見于羣芳譜花鏡中宜查之

栽種吉日宜六儀母倉除滿成收開及甲子己巳戊寅己卯壬午癸未己丑辛卯戊戌己亥庚子丙午丁未戊申壬子癸丑戊午己未等日忌死炁乙日建破火日

花鏡

扦挿

花鏡

未扦挿時先擇肥地熟勦細土成畦用水滲定待二三月間樹木芽蘖將出時須揀肥旺直條如拇指大者斷長一尺五寸許每條下削成馬耳狀另以小杖刺土成孔約深五六寸然後將條插入孔中以土壅實每穴相去尺餘稀密相等常澆令潤澤不可使之乾燥夏月搭矮棚蔽日至冬則換作暖蔭仲春方去候其長成高樹始可移栽每欲扦挿必遇天陰方可動手若遇連雨則有十分生機無雨減半梅雨時儘可扦晴亦不宜插須一半入土中一半出土外若扦薔薇木香月季及諸色藤本花條必在驚蟄前後揀嫩枝斫下長二尺許用指甲刮去枝下皮三四分插於背陰之處四方壅實不動

其根自生若果木須揀好枝先揀于芋頭或蘿蔔上再下土時則易活臍上必須用箬葉裹之若扦各色花枝接頭亦得總之扦挿移栽不外乎宜陰忌日四字至於扦盆花捷法取春花生開者用快剪斷下即插芋頭上或蘿蔔內立以花盆種之時加澆灌不見日色花過自生根芽矣茅亭客話云取美種于遠方剪下即插芋頭中雖千里可致

附扦挿法茅亭客話

冬至後立春前研美果直枝須有鶴膝大如拇指者長可二尺許搭于芋魁中掘土令寬調泥漿細切生葱一升許攪于泥中將芋魁置泥中以細土覆之勿令堅實卽當年有花來年有實絕勝種核

移栽花鏡

通鑑

卷之五

國華

四

凡木有直根一條謂之俞根趁小時栽便盤屈或以磚瓦盛之勿令直下則易于移動若大樹須春初未芽時或霜降後根旁寬深掘開斜將鑽心釘地根截去惟留四邊亂根轉成圓垛仍覆土築實不但移栽便而結實亦肥大小樹轉垛後一年即可移若大樹必須三年每年輪開一方乃可移植轉垛時以稻秸紩成草索盤縛定根泥上未可移動復以鬆土填滿四圍鋤開處仍用肥水澆實待次年正二月間移起就含種處如種果木宜寬當以丈二爲矩視樹之大小作區安頓端正然後下土半區將木棒斜築根垛底下須實上以鬆土壅之高過地面三寸使不露大根爲限若本身高者必須椿木扶縛定勿使風搖動卽以肥水澆之如無雨每朝

澆水待月半後根實生意漸萌便如隨常澆法可也若遷移遠路必髡其稍未能便栽必須蔽日雖遲二五日不妨若壞碎日曬則難活矣

凡一切果木望前移植者多實望後者少曾植時花爲業者則不然無花不種無日不移新啟園亭而欲速攜者雖非其時亦可種植皆轉垛得法少俟天雨則移填刻便成林麓矣古云移樹無時莫教樹知多留宿土記取南枝此正轉垛後之謂也

一法先記枝之所向將竹刀掘起下勿傷根上勿損葉如法種之再加肥土填滿四邊又以石竹打定麻皮縛定以防風擺又以石子遮面以防泥濺如泥一灘葉卽黃脫仍須澆灌得宜謹避風日數日卽活
效富奇書

春分前樹將發生時秋分後樹將黃落時皆宜接換凡樹生二三年者易接其接枝亦須擇佳種已生實一二年有旺氣者過脈乃善接必兩枝俟其活後生葉挾弱者刪去其一至于木須執刀端直不至重傷則易成截樹砧須用細齒利鋸斷之又將快刀裁砧處令光使不沁水遂從砧之一傍裁開其皮微連以膜約一小寸先將剪下之枝裁去兩旁千口中含熱連唾搘掩是假人涎以助其氣用紙封外再以箬封然後用麻繫縛如乾壤少潤總不宜灌須遮日曝待其成體方可開也七頭須木枝與樹砧各斜裁其半以人唾粘掩之以瓦規上灌使少潤晴陰皆以器覆之木之佳者須側坎而探

釘斷其中根止留四散生者立覆側坎而灌之則生子必碩大樹以皮行汁斜斷相交則先用泥泥之或以銳皮連木者揅所研之木心而泥之倒揅而生者折其皮而緒之也凡接須取向南近下枝用之則着子多如以木色樹接本色惟以花之佳果之美者接之若以他木接必須其類似者方可

接換六法

一曰身接用細鋸截去原树枝莖作盆砧高可及肩以利刀小刀際其盤之兩旁微啟小罅深可寸半先以竹籤探其深淺却以所接條約五寸長一頭削作小篦樣略噙口中卽納之罅內使皮骨相對揅訖用樹皮封纏內寬外緊再用牛糞和泥斟酌封裹仍用寬兜盛土培

養接頭勿令透風見日土乾則洒以水芽出非接頭上者悉去之培土上露接頭一二眼以通活氣

二曰根接如小樹將鋸截去原樹身離地五寸許以所接條削尖插之一如身接法卽培原土外以棘護之三曰皮接用小快刀於原樹身入字斜劈之以竹籤測其淺深將所接枝條皮骨相向挿入封護如前法候接枝發茂斷其原樹枝莖使其莖獨茂耳

四曰枝接如皮接之法而差近之一本可發二色或三

色花

五曰壓接只宜小樹先于原樹橫枝上截去留一尺許於所取接條樹上根外方半寸尖刀斷皮肉至骨併帶膜揭皮肉一方片須帶芽心揭下口噙少頃取出印濕

痕於橫枝上以刀尖依痕刻斷原樹壓處大小如一以接按之上下兩頭將桑皮封繫緊慢得宜仍用牛糞泥塗護隨樹大小酌量多少接之俟苞生根始斷其半而後分植焉

六曰搭接將已種出芽條去地三寸許上削作馬耳將所接條併削馬耳相搭接以唾粘連封繫糞壅如前法凡接樹雖活下有氣條從本身上發者急宜削去勿令分其氣力一概槿接須令接頭向外則易生芽
附接果樹法

茅亭客話

先將野梅子酸澀不美者如臂已上堪堪接也然後選美果枝隔年有鶴膝向陽者枝長不過二尺至時剪下更劄于蘿蔔中勿澆其氣冬至後十日立春前十日其

野樹皮潤萌芽未發之時以鋸截斷所留止去地五六寸中心劈破深二寸許取美枝或一枝或二枝斜削勿傷其皮挿于野樹罅中外與野樹皮相齊等緊密用牛糞泥封之用筍籜包裹其接處以麻紐纏定土更以黃泥土搭頭裹之勿使雨水透入或野樹旁生芽葉卽取去之依此法卽當年有花

致富奇書云接換必須相稱貼大宜高截貼小宜低截對接土下各正去半片偶接土上各斜去半片插接截平本根削斜分枝揷皮內合接同種兩枝各削去半邊俱用麻縛篾幫泥封繩裏四圍扦棘以防鳥雀常將水洒更避日色若遇狂風大雨急宜遮護否則不活

過貼

花鏡

凡花木分栽壓條接換皆不可者乃以過貼法行之先將樹相等葉相類之小木移於欲貼之木傍視其可以枝相交合處以利刀各削其皮一半相對合之以竹籜包裹麻皮纏固外以泥封之如大樹則所合枝傍截半斷斷小樹所合枝發稍著欲花果兩般合色則勿去稍來年春方可截斷連處復候長定然後移種可也

脫果法木生之果八月間以牛羊糞和土包其鶴膝再用紙包裹合密以木擰住以水頻澆任其發花結果次年夏秋間開包視之其根已生則斫斷埋土由其花實自能晏然不動一如巨木所結又法選嫩樹枝長尺餘者刮去皮寸許用有節竹箇傍作兩開合着樹核用篾縛住內以土築實其根自生二年後方可剪開

澆灌

花鏡

灌漑之於花木猶人之需飲食也。不可太饑亦不可太飽。燥則潤之瘠則肥之全賴治圃者不時權衡之耳。大凡人心喜香艷而惡枯寂。春夏萬卉爭榮。則澆灌之力勤。秋冬草木零落。則澆灌之念弛。孰知來年之馥郁。正在秋冬行根發芽時之肥沃也。及至交春萌蘖一生。便不宜澆肥。肥能蓄翳。即有一二喜肥者。亦須停久宿糞熟糞。只可曬月用餘月用之有害。若用搏猪毛湯或用鷄鳴翎湯。不宜親木踰恐生蛀蟲。湯內若投以荔枝圓眼核。則翎易腐而蟲不生。亦是善貯肥之一法。當果實時。宜澆摘實後并蠟前通宜澆。若宿糞和以泔水勝於諸水。其以緩而壯也。究竟以黃梅水爲最當。多蓄聽用。

但澆肥之法。草與木不同。草之行根淺而受土薄。隨時皆有凋謝。逐月皆可澆肥。惟在輕重之間耳。如正月則七分糞。三分水。二月六糞四水。三月對和。四月四糞六水。五月三糞七水。八月四糞六水。九月對和。十月六糞四水。十一月七糞三水。十二月八糞而止。卽十二月正月亦有宜輕肥者。并不宜者。俱載花歷條下茲不再贅。若遇天旱。每日要澆。只宜清水。肥須隔數日一用。然亦須分早晚。早宜肥水。澆根晚宜清水。肥須隔數日一用。不然。二月至十月澆肥各有宜忌。如二月樹已發嫩條。必生新根。澆肥則梢反枯。倘有萌未發者。澆之不礙。三月亦然。凡花開時。不宜澆糞。恐墮其花。夏至梅雨時。澆肥根必腐爛。八月尤忌澆肥。白露雨至。必長嫩根。一澆

卽死六七月花木發生已定皆可輕輕用肥至小春時
便能發旺若柑橘之類又不宜肥肥則皮破脂流隆冬
必死杜鵑虎葵尤不可肥至如石榴茉莉雖烈日之下
儘肥澆不害一云社酒澆果根則實繁冬至日糟水澆
牡丹芍藥海棠則花艷皂角無實根旁鑿一孔入生鐵
屑三五斤泥封之卽結角如菖蒲無力萎黃水和鼠糞
澆之卽盛此補澆灌所不及也

每月九焦日不但忌種抑且忌澆

附澆灌法

致富奇書

澆灌必分早晚早宜肥水流根其法鋤嫩青草拌陰溝
泥同罨缸內久則自然流出清水澆之晚宜清水洒葉
其法取天落水或河池水置缸內投石子數枚澄過酒
之若晚間驟雨切勿令見恐烈日晒後熱氣蒸花故也

附製金汁法

致富奇書

臘月內掘地埋大缸或甕人地三四尺許積貯糞糞上
用板蓋填土密固至春未渣滓俱化止存清水名爲金
汁凡花草經之無不向榮山園必當預辦

培壅 花鏡

植物莫不以土爲生以肥爲養培壅之法必先貯土取
好土糞澆草火煨過再以糞澆復煨如此數次曝乾搗
碎篩淨揀去瓦石草根收藏缸內置之日照雨飄處聽
用或取黃泥浸臘糞中年餘亦有用處至於各花各有
宜壅之糞土必須預爲料理如或用灰糞或麻餅豆餅
屑和土者或貯二蠶沙輓鼓皮屑和土者鼓皮取其無硝或以
牛馬糞或以猪羊糞或以鷄鴨等糞和土當令發熱過

方爲肥土又人之櫛髮垢膩壅花最佳然不能多得只可益花取用耳壅根宜高三五寸澆水實定不可太過如竹木桑菊根背上長每年必添泥覆方盛

凡生花果盛時逢霜則無實當預於園中多貯敗草牛馬乾糞逢天雨新晴北風寒切是夜必霜此時放火作燈令花少得烟氣可免霜威則實可保至若盆花受氣有限全賴良土培壅更不可忘忽所貯花盆先須炭屑及瓦片浸糞溝中經月爲鋪盆之用不可臨期取辦使不如法

合草木榮枯法

花鏡

凡木以肉桂作釘釘之卽死用甘草水灌之復榮 烏
虱魚骨釘之則翳以狗胆解之仍活 一云以河豚骨

刺樹卽乾枯 一云以邵陽魚刺日西時樹陰卽死

一云桂斫木上則茂斫木下則枯
大榕樹以蘇木作釘釘其根則死

凡樹離根三尺斫其皮納巴豆數粒則汁瀉而枯

凡花果樹年老憔悴者以鍾乳粉納于樹根皮內則瘁
者復茂 白蘚末置花根下辟蟲易活

驗果

花鏡

凡木未發芽時根旁掘土搜其直下命根截去惟留四
邊亂根土覆築實則結果肥大

嫁樹

羣芳譜

元日鷄鳴時點火把照果木則不生蟲以刀斧班駁敲
打樹身則結實多

催花早放

花鏡

以紙糊密室鑿地作坎縷竹置花其上糞土以牛溲馬尿硫黃盡培溉之功然後置沸湯於坎中少候湯氣熏蒸則扇之以微風花得益然融淑之氣不數朝而自放矣若牡丹梅花之類無不皆然獨桂花則反是蓋桂稟金氣而生須清涼而後放法當置之石洞岩竇間暑氣不到之所鼓以涼颸養以清露自能先時而舒矣

一法以硫黃水灌其根使隔宿卽開或用馬糞浸水澆根亦易開秘苑云用馬糞浸水前一日澆之三四日後開者次日盡開

令花緩放

花鏡

以雞子清塗叢上可緩兩三日

盆景

花鏡

盆中土薄力量無多保護灌溉更難于園圃花木之燥濕冷煖更煩于喬林故未有樹先須製下肥土全賴冬月取陽溝汙泥晒乾篩去瓦礫將糞發濕復晒如此數次用乾草柴一皮肥土一皮取火燒過收貯至來春隨便栽諸色花木可也栽後宜肥者每日用雞鴦毛水與糞水相和而澆如花已發萌不宜澆糞若嫩條已長花頭已發正可澆肥至花開時又不可澆每日早晚只須清水果實時亦不可澆澆則實落凡植花三四月間方可上盆則根不長而花多若根多則花少矣或用蠶沙浸水澆之亦良花草之宜盆者甚多不必細陳果木之宜盆者甚少惟松柏榆檜楓橘桃梅茶桂榴槿鳳竹虎刺瑞香金雀海棠黃楊杜鵑月季茉莉火蕉素馨枸杞

丁香牡丹平地木六月雪等樹皆可盆栽但須剪裁有致近日吳下出一種訪雲林山樹畫意用長大白石盆或紫沙宜興盆將最小柏檜或楓榆六月雪或虎刺黃楊梅椿等擇取十餘株細視其體態參差高下倚山靠石而栽之或用崑山白石或用黃東英石隨意疊成山林佳景置數盆於高軒書室之前誠雅入清供也如樹盆已久枝幹長野必須修枝盤幹其法宜穴幹納巴豆則枝節柔軟可結若欲委曲折枝則微破其皮以金汁一點便可任意轉摺須以極細綜索縛弔歲久性定自饒古致矣凡盆花拳石上最宜苔蘚若一時不可得以菱泥馬糞和勻塗潤濕處及極枝間不久即生儼如

百木華林

修整

花鏡

諸般花木若聽其發幹抽條未免有礙生趣宜修整修之宜去者去之庶得條達暢茂有致凡樹有瀝水條是枝向下垂者當剪去之有刺身條是枝向裏生者當斷去之有騎枝條兩相交互者當留一去一有枯巧條最能引蟲當速去之有冗雜條最能礙花當擇細弱者去之但不可用手折手折恐一時不斷傷皮損幹粗則用鋸細則用剪截根須向下則雨水不能沁其心才本無枯爛之病矣

一法樹身卷曲者以刀堅劃其凹處則逐漸長直

秘苑

伐木

花鏡

須四月七月則無蟲蠹之患而木更堅韌耐用若非時

研伐者必須水漚一月或火逼極乾亦不生蟲

保護盆花

致富奇書

花卉務令適時倘風日相侵寒熱並至當以布帳遮之或箇籃覆之如遇輕陰細雨淡日和風出架庭中勿令着地恐致根長及引蟲蟻盆花之法莫過於此或云花果忌麝當雜種葱蒜若爲所觸于上風燒硫黃氣解之

養花

花鏡

凡花滋雨露以生雖瓶養亦當用天落水每日添換其開庶久若三四日不換花必零落蕊必乾枯每夜宜擇無風有露處置之猶可多延一二月之鮮麗此乃天與人參之力也折花之法不可亂攀須擇其木之叢雜處取初放有致之枝或一二種比枝配色不冗不孤稍有

畫意者方剪而燔其折處插之則滋不下澆花可耐久蓋有不宜清水養者又不可不察也如梅花水仙宜鹽水養而梅更宜醃豬肉汁去油俟冷插花且瓶不結凍雖細蕊皆開若用古瓶中常刺以湯還能結子生葉海棠須束薄荷葉於折處再以薄荷水澆養細蕊盡開梔子花折處須搗碎以鹽入瓶中乾插自能放花抽葉花謝後益仍可用牡丹初折卽燃其枝不用水養當以蜜浸白榮謝後蜜仍可用芍藥燒枝後卽插水瓶中夜間另浸大水缸內早復歸瓶則葉綠花鮮蓮花先用泥塞其折孔內再以髮纏之先插入瓶後方灌水夜置無風有露處則苗苔皆開芙蓉竹枝金鳳花皆當以沸湯養之乘熱卽塞瓶口則花易開而葉不損若蜀葵秋葵芍

梨萱花等類宜燒枝捕餘皆不可燒

凡貯瓶中水須燒紅瓦片投之則水不臭冬月將煨灰
汁和酒灌瓶內則不凍鮮肉凍汁養山茶臘梅則開耐
久如瓶口大者內置錫管冬月貯水不碎瓶若小口膽
瓶等投硫磺末數錢亦可免冰凍之患

花栗耐久

花鏡

冬月用竹刀取梅蕊之將開者蘸以蠟投尊缶中夏月
取出以沸湯就蓋泡之盡卽鮮綻香亦不減搗女貞實
青子卽冬拌巖桂半開者入細磁瓶中以厚紙蓋之至無
花時密室聊置一盤其香裊裊可以久留或以鹽酒浸
桂花藏至來年色香俱在

玫瑰同醃梅白糖拌收瓶內經年花之色香如故

取梅花菊花或玫瑰茉莉珍珠蘭皆摘其半開之蕊四
停茶葉一停花以罐罋收之內一層茶一層花間投至
滿用紙箬紮固入鍋內以重湯煮之取出待冷另用紙
封固裏置火上焙極乾收用炮茶其香可愛

香櫞佛手若扦芽於其蒂上以濕紙圍護之經久不癟
或擣蒜罨其蒂則香更充溢

摘果實法

花鏡

凡果實未全熟時不可先摘恐抽過筋脈來歲不盛摘
時用雙手則年年結實自繁

凡果樹曾經孝子孕婦手折則來年不生或數年不著
花結實

摘荔枝

蔡氏荔枝譜叅致富奇書

夏至將中其實翕然俱赤人未採摘蟲鳥皆不敢近或已取之烏雀蝙蝠之屬俱來傷殘園家每破竹五七尺搖之答答然以通之熟時必趁日中併手採摘

摘棗實 埤稚叅增物類相

棗實未熟雖擊不落已熟則爛不擊自墮半斤而收者肉未充滿惟於全赤時離根尺許將繩縛定用棍紐絞極緊使之深入過夜其實盡落可掃

摘銀杏 花鏡

實熟時以竹箋籠樹本但擊箋則果自落

摘橄欖 嶺表錄異

子繁樹峻不可梯緣但刻根下方寸許納鹽其中一夕子盡落木亦無損

種桃

墨娥小錄

今婦女艷粧將熟桃子核洗淨種牆彎暖處濕牛糞內則他日花艷而桃皆離核 桃樹種之三年結實五年大盛十年則衰若於七八年間剗破桃皮令出膠汁則多活數年
花鏡云凡種桃淺則出深則不生故其根淺不耐八十年後多枯於初結實次年斫去其樹復生又斫又生但覓生蟲卽斫令復長則其根入地深而蟠結自固百年猶結實如初

嫁李 致富奇書

樹少結實於元旦五更將火把四面照看則當年便生壅相橘令多結實 墨娥小錄

通天曉

卷五

樹藝

十六

臘月間取大鼠一個浸糞缸內令發脹卽干樹根傍挖一穴見根爲度將鼠埋入仍用原泥蓋好任鼠生蛆每蛆一條則結一實

果實多美

種樹書

鑿果樹作穴納石鍾乳末少許固密則結子多而味美

遜齊閒覽云几果實久不熟者以祭社餘酒灑之則繁茂倍常

接葡萄

花木考

將葡萄栽於棗樹之側春時鑽棗樹作一竅引葡萄枝從竅中透出至二三年其枝長大塞樹滿竅卽研斷葡萄根令托棗以生則結實大而甘美以米泔澆之花鏡云入射香少許干其皮內則子熟時盡帶香味

種盆蓮

羣芳譜

雞子一枚開小孔去黃白淨將乾黑蓮子裝滿糊紙三四層令母雞同抱候子雞出放煖處用天門冬末硫黃同搗肥泥安置盆底收蓮實種之仍用酒和水澆勿令乾自然生葉開花如錢可愛

又法

墨娥小錄

清明前二十餘日用蓮心一粒裝入雞子殼內亦與雞母哺候小雞出日取出用天門冬爲末和肥泥安盆底種蓮心在內勿令水乾坼蓮卽生葉開花如錢大趣極可玩

種雞冠

致富奇書

清明撒子撒高則高撒低則低盛扇撒之則如團扇散髮散之則成瓊瑤

道家植芝法

花鏡

取糯米飯搗爛加雄黃鹿頭血色曝乾荀候冬至日埋於土中自出或灌藥人老樹腐爛處來年雷雨後卽得各色靈芝

栽蘭

快雪堂慢錄

取出土火煨細羅過種蘭訖清水旋澆之以透爲度蓋濕土難至根下乾土得水則漲而抱根無不活矣蘭根甚易生蠶去之法置盆水中俟水及根卽取起次用便溺澆之復置水中候蠶浮水爲度恐未盡再行前法一次

四季蘭花

古今秘苑

三伏內取土晒乾收用盆底放炭數塊用金銀花二錢

防風三錢埋根下則四季開花

蘭夜合花

笠翁集

以男女同浴之水隔一宿澆其根則花芳妍較常加倍

杆瑞香

墨娥小錄

左手折下枝條急挿入土中卽活不可更換右手亦不可停留否則不但無花且恐難活

牡丹盆大

清異錄

九月取角屑碗黃碾如麵拌細土挑動花根壅盆入土一寸出土三寸地脉旣煖立春漸有花蕾如粟粒卽招去惟留中心一蕊氣聚故花肥至開時大如盤口

牡丹變色

將紫草汁沃白牡丹則變紫色沃紅花汁則變緋紅花鏡

白花初放時用新筆蘸白礬水描過待乾再以臘黃和粉調淡黃色描上卽成黃色復描清礬水一次色白不

落花鏡

牡丹出芽時以墨水漑其根比開花作蔚藍色尤奇也

謝肇淛

牡丹根下置白朮末諸種花色悉起腰金致富奇書

變芙蓉花

種樹書

芙蓉未開隔夜以靛水調紙蘸花蕊上以紙裹蕊口花

開成碧色花

又法

行厨集

花含苞時隔夜以水調各色顏料於紙蘸花蕊上以紙裹蕊口則花開時變成各色如靛青變碧胭脂變紫槐花汁變黃之類

幻菊

菊含蕊時取臘雪水調各顏色點菊卽開各色或九月間收霜莖瓶埋土中取水調點亦可

致富奇書

白菊蕊以龍眼殼罩住上開一小孔每早以灑清水或胭脂水滴入花心放時卽成藍紫色

花鏡

春初擇取老木剪其枝葉故土培之接以諸菊將木上封固接頭俟其枝茂然後去之秋深花開各依本色或取黃白二種各披半疊用麻紫合開時半黃半白

致俱富奇

令菊多開

范氏菊譜

吳下老圃俟春苗尺許掇去其顚數日則岐出兩枝又掇之每掇益岐至秋則一幹所出朵甚多婆娑圍鬪如

車蓋矣

幻蓮

北夢瑣言

擇乾黑蓮子磨薄尖頭浸靛缸中明年清明前取子種之開小青蓮花

紅花令白 花鏡

以硫黃燒烟熏蒸蓋化在內少頃卽白

種仙葫 致富奇書

雞冠兩旁種葫蘆一顆抽蔓時以竹刀微削一邊皮合貼雞冠梗上用麻繩縛以泥塗之後生連之後截斷瓠根令托生於雞冠結瓠紅色可愛

留小葫蘆 花鏡

葫蘆照水種之結實自正隨所需大小以子摩其實從

蒂至底去其毛則不復長且厚八月微霜時摘下剖開瓠頂納芭豆水餽之瓠出卽空

種大葫蘆

四時類要

二月初掘地作坑方四五尺深亦如之實埴油麻裹豆
蘸楷及爛草等一重糞土一重草如此四五重向上尺
餘著糞土種十來顆子待生後揀取四莖肥好者每兩
莖肥好者相貼著相貼處以竹刀子刮去半皮以刮處
相貼用麻皮纏縛定黃泥封裹一如接樹之法待相著
活後各除一頭又取所活兩莖準前刮去皮相著一如
前法待活後唯留一莖四莖合爲一本待著子揀取兩
箇周正好大者餘有旋旋除去食之如此一斗種可變
爲盛一石物大此莊子魏惠王大瓠之法

治竹米

瑣碎錄

筍生花結實如棋謁之竹米不久滿林枯死須于初花時擇二大竿截留三尺許鑽通其節以糞實之則止竹不沿生

竹根多穿害堵砌椎聚皂莢刺埋土中障之則根不能過栽油麻莢尤妙

種樹書

取績麻骨或芝麻骨插竹園四向卽不沿生

物類相感志

引筍法

瑣碎錄

埋死猫于隔牆下明年筍自迸出

培黃芽韭

朱維周傳

臘月閒割去韭葉覆以爛草薦上壅浮泥至春初韭葉抽出萌芽卷曲味極鮮美

黃芽菜

中醫錄

將白菜割去梗葉止留菜心離地二寸許以糞土壅平用大缸覆之缸外以土密壅勿令透氣半月後取食其味最佳

留白菜過冬

孫安愚傳

冬月揀扁幹大株白菜其葉用稻草週圍輕輕纏合四面密壅溝泥勿令葉露任經霜雪至春初取食味極鮮美

合瓜卽熟

本草綱目

生瓜以勒柂骨刺之

石首柂亦可

經宿卽熟

綠豆芽

留青采珍

揀綠豆水浸二宿候漲以新水淘控乾用蘆席灑濕襯

地攤豆于土以濕草薦覆之其芽自長

畜牧

養馬

致富奇書

馬乃火畜其性惡濕利居高燥忌作房子午位仲春放
淫順其性也季春必晒恐其退也盛夏必浸恐傷于暑
也季冬必溫恐傷于寒也久步則筋勞久立則骨勞久
汗不乾則皮勞汗未燥而飲飼則氣勞驅馳無節則血
勞此五勞宜時加調治喂料須擇新草篩簸穀豆若熟
料用新汲水浸冷方可喂之若熟不宜加熟料飲以新
水一日三次冬月飲水訖亦須騎驟摘卸不宜當風

喂馬易肥

齊民要術

或將草細剉無節縱去土而食之令馬肥不空江反

又方

本草綱目

取釣藤數寸入小麥中蒸熟喂之易肥

馬臘腫

農桑輯要

螺旋青川芎知母川芎鬱金牛蒡炒薄荷貝母同爲末每服
二兩蜜一兩棗水煎沸候溫調灌

馬患喉痺欲死

齊民要術

以物纏刀子露刃鋒一寸許刺咽喉潰則愈

馬黑汗

齊民要術

取乾馬糞置瓶子中頭髮覆之火燒馬糞及髮煙出著

馬鼻熏令煙入鼻中須臾即瘥

或用猪脊引脂雄黃亂髮燒烟熏鼻同上法亦瘥

馬結熱起臥戰不食水草

農桑輯要

黃連

二兩研末

白蘚皮

一兩研末

油

五合

豬脂

四兩

右以溫水一升半和藥調停灌下牽行拋糞卽愈

馬生疥瘡

齊民要術

雄黃頭髮臘月猪脂煎令髮消及熱塗之立效

又方

致富奇書

空胡麻葉搗汁灌之

治馬癩

奇方類編

硫黃

大黃

巴豆

去油

塌灰

各等研末

將蘇子

油熬滾方下前藥卽取起候冷用川山甲刮破塗之

馬傷水

農桑輯要

用葱鹽油相和搓成團子納鼻中以手捉馬鼻令不通

氣 鼻孔 从外 引 出 即止

又方

致富奇書

先燒亂髮熏兩鼻後用川烏草烏白芷胡椒猪牙皂角等分射香少許爲細末用小竹筒吹入鼻中卽愈

加瓜蒂

一切中

結病症

馬傷料

農桑輯要

用生蘿蔔三五個切作片子啖之立效

馬猝熱腹脹起臥欲死

農桑輯要

藍汁二升和冷水二升灌之立效

馬起臥肚痛

火藥半茶盃燒酒一大盃調和灌之

奇方類編

臭裹脚布溫水洗灌之

集驗良方

馬急起卧

農桑輯要

取壁上多年石灰細杵羅酒調二兩用水灌之立效

馬驛骨眼起卧

奇方類編

雄黃二錢黃丹水飛枯礬一錢火硝六分共爲細末點

大眼角內

馬食槽內草結方

農桑輯要

好白礬末一兩分爲二服每貼和飲水後啖之不過三
兩度卽內消卻此法神驗

馬傷脾

脾胃有傷不食水草塞唇似笑鼻中氣短宜速

與此藥

博聞錄

川厚朴去粗皮爲末同薑蜜煎灌

馬心熱

心肺壅熱口鼻流血跳躡煩躁宜急與此藥

甘草芒硝黃蘗大黃山梔子瓜

蓼爲末水調灌

博聞錄

馬肺毒

肺毒熱極鼻中噴水

博聞錄

天門冬知母貝母紫蘇芒硝黃芩甘草薄荷葉同爲末
飯湯入少許醋調灌

馬肝壅

邪氣衝肝眼昏似睡忽然眩倒此方主之

博聞錄

朴硝黃連爲末男子頭髮燒灰存性漿水調灌

馬腎瘤

博聞錄

烏藥芍藥當歸元參茵陳白芷山藥杏仁秦艽每服一

兩酒一大升同煎溫灌隔日再灌

馬氣喘

農桑輯要

元參夢寐升麻牛蒡兜荳黃耆知母貝母同爲末每服
二兩漿水調草後灌之喘嗽皆治

馬空喘毛焦 致富奇書

用麻子一升飼之

馬尿血 農桑輯要

黃耆烏藥芍藥山茵陳地黃兜答枇杷葉爲末漿水煎
沸候冷調灌

馬結尿 農桑輯要

滑石朴硝木通車前子同爲末每服一兩溫水調灌隔
時再服結甚則加山梔子赤芍同末

馬結糞 農桑輯要

皂角燒灰存性同大黃枳壳麻子仁黃連厚朴爲末清
米泔調灌若傷寒加蔓荆子末同調

馬中結 集驗良方

蟬蠅一個焙乾研末黃酒調灌卽愈

治馬三結

奇方類編

髮灰 白藜各三錢 胡椒前結用九粒中結用十粒後結用二十一粒 水二
碗煎一碗溫灌之

馬舌硬

農桑輯要

數朵花瞿麥山梔子地仙草青黛硼砂朴硝油烟墨等
分爲細末每用半兩許塗舌上立瘥

治馬鼻瘻

奇方類編

川貝 珀砂各四錢 髮灰 六錢 射香三分 生蜜二二兩 雞

子青三個 和水灌人鼻內

馬膈痛 低頭難以食艸

農桑輯要

羌活白藥子甜瓜子當歸沒藥芍藥爲末春夏漿水加

通天堯

卷五

畜牧

三

蜜、秋冬、小便調灌

馬流沫 農桑輯要

當歸菖蒲白朮澤瀉赤石脂枳壳厚朴甘草爲末每一
兩半酒一升葱白三握同水煎溫灌

馬傷蹄 農桑輯要

大黃五靈脂木鼈子去油海桐皮甘草土黃芸薹子白
芥子爲末黃米粥調藥攤帛上裹之

馬後膝冷跛

致富奇書

葱薑各五兩水五盞煎半盞和酒灌之

治馬鞍壓瘡

奇方類編

乳香

去油沒藥去油

血竭

兒茶

龍骨

煅過

麝皮

炒成珠各三錢

黃丹

炒一二兩冰片一分

共爲細末搽患處

馬驟打破脊梁

雞蛋十數個去黃留青將男子頭髮填滿用紙糊之外

用黃泥包裹炭灰煨紅取出研末搽上卽愈

奇方類編

麻油新汲井水各半鍾用銀器打千餘下如米湯樣搽
之卽愈

集驗良方

真銀硃

一錢

枯簪

二錢

五棓子

一個焙

焦去穢共爲細末將瘡

洗淨用火酒噴之敷上此藥任背鞍行走

白簪五棓子黃丹各五錢爲細末搽患處自痊

詞子銀硃各五錢共爲細末搽患處自痊

馬生反花瘡

大明本草

地衣草

乃陰濕地被日晒起苔蘚也

乾爲末生油調敷

通天曉

卷五

畜牧

治馬驟風瘡

奇方類編

大蒜五枚研爛同香油半斤灌之

治馬風瘡

奇方類編

掀起馬尾內有青筋用針刺破出血再掀其嘴唇內有青筋割破出血卽愈

或將瘡四邊烙破中間搽射香卽愈

治馬驟三十六種黃

集驗良方

黃藥子根山豆根茵陳山梔子各五兩連翹黃連黃柏黃芩各三兩大黃二兩共爲末每服二兩雞子青二個童便一錘蜂蜜二兩調灌卽愈

馬患諸病

衛生易簡方

白鳳仙花連根葉熬膏抹其眼四角上卽汗出而愈

常勝馬藥

家藏輯要

鬱金大黃甘草山梔子貝母白蘿子黃藥子黃芩欵冬花秦艽黃柏黃連知母桔梗藁本共十五味各等分同搗羅爲末每匹啖藥二兩許仍用油蜜豬脂雞子飯食少許同和調啖之啖後不得飲水至夜喂飼

馬藥方

農桑輯要

青橘皮當歸桂心大黃芍藥木通郁李仁瞿麥白芷牽牛子十味各等分搗羅爲末用溫酒調灌每匹馬藥末半兩許

點馬眼藥

農桑輯要

青鹽黃連馬牙硝麌仁四味各等分同研爲末用蜜煎入磁瓶子盛或點時旋取少許以井水浸化點

養牛

每日水草不可失時新草未生之際截斷稻草和以糠豆之類拌勻微濕令飽飼之有草時放牧先令飲水然後食草則腹不脹夏間勿觸熱冬間宜溫煖忌霜雪勿

凍餒

致富奇書

牛宜夜耕半夜有一日之功日高便止則不勞乏

增物類志

餵養牛法

韓氏直說

農桑輯要

農隙時入暖屋用牆上諸糠穰鋪牛腳下謂之牛鋪牛糞其上次日又覆糠穰每日一覆十日除一次牛二具三隻每日前後餉約飼草三束豆料八升或用蠶沙乾桑葉水三桶浸之牛下飼噍透刷鉋飲畢辰巳時間上槽一頓可分三和皆水拌第二和草多料少第二比前

草減半少加料第三草比第二又減半所有料全繳拌食盡卽往使耕噍了牛無力夜餵牛各帶一鈴草盡牛不食則鈴無聲卽拌之飽使耕俗諺云三和一繳須管要飽不要噍了使去最好

相牛法

致富奇書

眼要去角 又要眼大白脈貫瞳子頸骨長大後腳股潤並能快便毛欲短密疎者不耐寒角欲細身欲粗尾稍長大者佳尾稍亂毛拳曲命短勿用 母牛毛白乳紅多子乳疏黑無子生時子臥面相向爲吉相背子疎一夜下糞三堆一年生一子一夜只一堆三年生一子

牛馬易壯

奇方類編

牛骨六兩 烧灰 糟

麥芽各三斤

黃豆三升

共爲末每次用一兩入料內藥完自壯

牛狗羸瘦

本草拾遺

飼泥鰌一二枚卽肥

牛馬猪瘟

集驗良方

大黃朴硝各五錢水五碗煎二碗灌之

牛病 兼治猪病

便元集

靜耘齋集驗方

大黃黃芩黃柏梔子連翹柴胡葛朮各二錢水二大碗
煮至二大碗灌之自愈

牛不食草

濟世良方

青木香四兩金銀花藤一斤煎湯灌下立效

牛尾焦不食水草

博聞錄

以大黃苦連曰芷末雞子酒調灌下

牛疫

四時類要

真安息香于牛欄中燒如燒香法如初覺有一頭至兩
頭是疫卽牽出以鼻吸之立愈

或十二月兔頭燒作灰和水五升灌口中良

牛瘡疫

博聞錄

用真茶二兩和水五升灌之

又燒荳朮置欄中令牛鼻吸其香卽止

又治牛猝疫而動頭打脇急用巴豆七粒去殼細研出
油和灌之卽愈

牛腹脹

博聞錄

牛喫著雜蟲卽腹脹用燕屎一合漿水一升調灌之效
牛腹脹欲死

研麻子取汁溫令熱擘口灌五六升許愈此治食生豆

腹脹垂死者甚良

齊民要術

或用婦人陰毛草裹與食卽愈

外臺秘要

牛肚脹及噉

齊民要術

取榆白皮水煮令熱甚滑以三五升灌之卽瘥

牛疥

農桑輯要

煮黑豆汁熱洗五度瘥

牛沙疥

農桑輯要

蕎麥不拘多少燒灰淋汁入綠礬一合和塗愈

牛虱

齊民要術

以胡麻油塗之卽愈豬脂亦得六畜虱塗之亦愈

牛尿血

博聞錄

川當歸紅花爲細末以酒一升半煎取二升冷灌之

又法豉汁調食鹽灌之

牛患白膜遮眼

博聞錄

用炒鹽并竹節燒存性細研一錢貼膜效

牛氣噎

博聞錄

以皂角末吹鼻巾更以鞋底拍尾停骨下效

牛觸人牛頭走逢人卽觸是胆大也

博聞錄

黃連大黃各五錢爲末雞子酒共一升調勻灌之卽止

牛肩爛

博聞錄

舊縣絮三兩燒存性麻油調抹忌水五日愈

牛漏蹄

博聞錄

紫礦爲末猪脂和納蹄中燒鐵鎗烙之愈

通天燒

卷五

畜牧

常留臘月正月生羔爲種者上十一月二月生者次之

非此月數生者毛必焦卷骨骼細小

其十一月十二月生者母既多乳膚胞充滿草雖枯亦不羸瘦母乳適

盡卽得春草是以極佳

大率十口一瓶

瓶少則不孕瓶多則亂羣不

蕃息經冬或死

瓶法生十餘日

有角者喜相觸

不孕者必瘦弱則匪惟不

瓶無角者更佳

有角者喜相觸

觸傷胎所由也

凝供厨者宜剥

之

瓶裝齒碎之

若使性急人及小兒者攜約不得必有

打傷之災或遊戲不看則有狼犬之害惟

時調其宜適

打傷之災或遊戲不看則有狼犬之害惟

甲膚出

二日一飲

水

頻飲則傷緩驅行勿停

遠水爲良

傷水則歸

行則全塵而咩急

春秋霜露所以宜早

息息則不食而羊瘦急

入圈或能絕羣

架北牆爲廄

爲屋卽傷熱熱則生疥

所以宜晚圈不厭近必須與人居相連開窗向圈因羊

弱不能禦物狼一架北牆爲廄

且居處慣暖冬月入

圈尤不耐寒

圈中作臺闊竈無令停水二日一除毋使糞穢

入圈

穢則活七停水則死圈內須墻牆暨柴棚令周匝

羊不

蹄耿濕則腹脹也

圈內須墻牆暨柴棚令周匝

羊不

主疥皮

四時類要

梨蘆根敲打令皮破以泔浸之鋤盛塞口放竈邊令常暖數日味酸便中用以瓢瓦刮疥處令赤若堅硬者湯洗之去痴拭令乾以藥汁塗之再上愈疥若多逐日漸漸塗之勿頓塗恐不勝痛也

羊申水方 四時類要

羊膿鼻眼不淨者皆以水洗治之其方以湯和鹽杓中研令極鹹候冷取清者以小角子受一雞子者灌兩鼻各一角五日後以眼鼻淨爲候不瘥更灌

羊膿鼻及口頰生瘡如乾癩者相染多致絕羣用長竿豎圈中竿頭置板令獮猴居上辟狐狸而益羊瘥病也

羊夾蹄

四時類要

瓶羊脂和鹽煎熟燒鐵勺脂烙之勿令入泥水自緩

牛食熟物腹脹不能轉草

致富奇書

急以水洗眼鼻中膿污令淨再用鹽擦其舌立愈

羊病傳染

增物類相感志

於欄前作瀆深一尺廣四尺駢羊往來跳過者俱留圈中不能過入瀆中行者別養之以免傳染

養猪

致富奇書

母猪取短喙無柔毛者良喙長則牙多一廂三牙以上則不須畜以其難肥耳牝者子母不同圈若同圈則喜相鬪而不食牡者同圈則無害圈不厭小處不厭穢亦須小穢以避雨雪春夏草多隨時放牧糟糠之類當食則與八九月放而少飼

又法

齊民要術

豬初產者宜煮穀飼之其十三日便搗尾則無風死之患六十日後健骨細肉多十一月十二月生者過一宿取籠盛豚著甑中微火蒸之汗出便罷不蒸則腦凍

不合不出旬便死

肥猪

四時類要

通天曉

卷五

畜牧

三

通天門
卷之三
猪子閼割畢俟瘡口平復以巴豆兩粒去殼搗爛和麻
糝糖糠飼之半日後當大瀉其後日見肥大

肥猪

管仲 何首烏各一兩 麥芽 黃豆各一升

共爲末加鹽一兩拌勻每日飼以四兩則易肥奇方類編
一方管仲何首烏大麥芽各一斤共研末每日用四兩
拌食內待出圈之日半月前服起俟藥完日卽宰其肥
較倍小猪不可用古今秘苑

一法管仲二兩大麥二升共煮喂之七日後宰肥而且
重家藏秘本

一法麻子二升擣十餘杵鹽一升同煮後和糠三斗飼
之立肥四時類要

一法赤豆煮飼食之十日後宰肥大加倍增補物類本草志
一方白冬瓜一個切碎柳桐葉喂之一冬勿喂他物自
然不飢能長三四倍食療本草

一法梓葉飼之肥大三倍且易養李當之本草

一法桐花飼之亦肥羣碎錄

一法理車輪爲食場散粟豆於內取乳下小豚別飼之
小豚食足出入自由則肥速農桑輯要

猪不食濟世良方

猪牙皂角一錢 射香五厘

研末吹入鼻中立愈

猪癩

烟葉筋煎湯溫擦每日數次自痊

猪瘧

奇方類編
便元集

靜軒齋

大黃朴硝各五錢共泡湯一罐傾出候溫竹筒灌下瀉出毒即愈

又方 靜軒齋

貫眾三兩猪牙皂角二兩水四五碗煎二三十沸外入朴硝末三兩再煎如前法候溫灌下亦效

便元集同

又方

蘿蔔葉切碎飼之可救

農政全書

或割去尾尖出血即愈

致富奇書
靜軒齋

以朽棺板作欄永不生瘧

猪瘧

擗榔

草果各二錢

蒼朮王錢

用鯉魚煮湯去魚骨湯煎藥灌下

猪瘧

兼治牛羊瘧

古今秘苑

牙皂

細辛

川烏

草烏

雄黃

狗天靈蓋

燒灰

研末和勻吹入鼻中用五六分即可加射香五厘更妙

犬瘧

行厨集

蛇皮燒灰和粥與食即瘥

大生癩

方類編

集驗良方

硫黃研末拌飯喂之每次用二三錢

家犬中毒

濟世奇方

急用烏藥一兩麻油一碗煎滾飼之即愈

通天瘡

卷五

音段

小犬吠不絕聲

物類相感志 古今秘苑

以香油一蜺壳灌入鼻中經宿則不吠

使犬捕鼠 古今秘苑

大幼時焚艾烟熏其鼻大來自能捕鼠

狗不令大 古今秘苑

小狗初生卽以桐油拌食飼之便纖小而終不長大
令太黑光

好事集

以胡麻麵噉大則光黑而且酸獵必大獲狐兔又可十

歲

使犬警吠法

癸辛雜識

狗最畏寒臥時必以尾掩其鼻方能熟睡如欲其夜警
設法剪弱其尾首翼寒無所蔽則終夜警吠

養猫

貓母初生子時屬虎人勿近視之否則自食其子

黃氏日朴

云猫見寅人而食子

貓初生時日以硫黃少許納于豬腸內或拌飯與之食
則遇冬不畏寒偷卧籠內

以上俱出花鏡 又云耳薄者不畏寒

貓食薄荷則醉

坤雅

貓食貞魚而癩留青日朴

相猫法

純黃純黑純白者爲上肚白背黑者名黑雲蓋雪身白
尾黃者名雪裏拖鎗俱佳花身上有花四足及尾俱花
謂之纏得過亦佳致富奇書身似狸面似虎柔毛利齒口旁
有剛鬚數莖尾長腰短目若金銀上齶多棱者爲良花鏡

又法

山堂肆考

貓口中有三坎者捉鼠一季五坎者捉鼠二季七坎者
捉三季九坎者捉四季言口內有九坎者能四季捉鼠也

又訣

玉匣記

露爪能翻瓦腰長會走家面長雞種絕尾大懶如蛇
貓病

花鏡

致富奇書

以烏藥磨水灌之卽愈

貓偶被人踏傷

花鏡

以蘇木煎湯療之

貓燬火疲痺

致富奇書

硫黃少許納豬腸中煮熟喂之

貓癩

行厨集

用蟻蛇焙乾研末與食數次卽愈

貓犬風癩

行厨集

桃樹葉搗爛遍擦其毛皮少頃洗去一二次自除

貓生虱

行厨集

桃葉棟樹根搗爛熟湯泡洗虱皆死
或以樟腦擦貓身亦可

小貓叫不絕聲

古今秘苑

陳皮研末塗鼻上卽止

使貓受胎法

本草綱目

牝貓無牡交但以竹箒掃背數次則孕
或用斗覆貓于竈前以刷箒頭擊斗祝龍神而求之亦

有胎

卷五

卷五

卷五

卷五

雞種取桑落時生者良形小淺毛脚細短者足也守巢
小聲善育雛子致富奇書云
雞種春
築則無緣
降時收
築息也
春夏生者則不佳
形大毛羽粗澤腳粗長者足也
早不免烏鵲與蠶
飯則令臍膿也
雞棲宜據地爲籠籠內著棧雖鳴聲
不朗而安穩易肥又免狐狸之患若任之樹木一遇風
寒大者損瘻小者或死燃柳柴殺雞雛小者死大者盲
花鏡云養雞忌拂
柴烟熏最能損目

花鏡云雞窠旁切勿按磨物類相感志云雞驚伏卵忌
磨若聞聲磨之聲則不生矣
有病常灌以清油若傳瘻速磨鐵礬水塗之與食即愈

如水眼以白礬傅之

雞瘻

古今秘苑

巴豆數粒切片喂之一湯愈

或巴豆仁搗碎拌米飼之

或用巴豆一粒研極碎香油二錢調勻灌下入口即愈

或用綠豆粉水和成條喂數次愈

雞鵝鴨瘻

左翅上有黑筋一條針刺去黑血以油米飼之

雞蹠

墨娥小錄

取芒硝一小塊如指大水調灌下即愈

養雞易肥

以油和麵捻成指尖大塊日與數十枚食之或以土硫

黃研細同飯拌勻喂數日即肥

致富奇書

大園一所分爲三中置雞棲每一旬潑糞于園之左地

以草覆之兩日盡化爲蟲園右亦然左邊食盡驅而之
右如此代易則雞自肥而生卵不絕增物類相感志

長生雞蛋

古今秘苑

生芝麻半升猪板油三兩同搗養童雞一隻候初生一
蛋須藏好卽與二味食之勿令飲水則日日生蛋再不
思哺農桑輯要云雞無令與雄相雜多與穀合竟冬肥盛自然長

雞不令大

古今秘苑

擇毛色鮮潤之雞爲種哺出雞雛取其雄者用雄黃和
墨粟子喂之戒勿喂米不飲水不着地養久只如卵大
而毛色與大雄雞無異

生雞不走

致富奇書

生雞初到家卽以淨溫水洗其足放之自然不走

綠雞

古今秘苑

純白毛雞取成對者五六隻入籠絕粒二三日將綠豆
四五升硫苦補黃薑黃雄黃雌黃各三兩和水少許煮
乾豆熟爲度以喂雞兼飲豆汁勿令飲水則毛脫落以
鐵絲穿雞鼻孔掛起頭勿垂下四五日後卽出綠毛此
後只喂生綠豆再用紅鳳仙搗爛染其嘴足儼如鸚鵡

五色雞

古今秘苑

黑魚重斤半者一個去腸入硫黃合滿放瓦器內蓋好
冬七日秋五日取出剝碎將雞先餓二三日喂之則毛
脫另生五色

試烏骨雞

物類相感志

舌黑者骨亦黑舌不黑者但肉黑

落門雞

似家雞而高大勇悍異常其相以冠平爪利者爲第一
每門至死不休門後須用長鵝翎一根挿入雞口綾出
喉內惡血安養五七日再門則無損傷之患雖全勝者
亦不可使之連朝狠鬥

花鏡

一法草烏頭末塗雞冠上連門連勝

本草綱目

鵝鴨伏離法

農桑輯要

鵝鴨生子時收取置暖處以柔細草覆藉之伏時大鵝
十子大鴨二十子小者減之多伏則不周伏時數起則
凍冷不可爲種伏久不起者飢羸身冷雖伏無熟須五
六日一與食起之令洗浴候一月後雛出雛欲出時四
五日內勿令間打鼓聲紡車聲大叫猪大聲春米聲又

勿令見器皿灰竹并新產婦人觸忌者雛多厭殺不認
自出雖出亦死雛既出作籠籠之先以梗米爲粥糜令
飽食一頓後以粟飯切苦菜蘿蔔青莢爲食以清水與之
養鵝鴨

致富奇書

令母雞代哺鵝鴨卵俟雛出先以糙米磨碎切苦菜蔓
菁拌勻喂之沃以清水濁則有泥恐小鵝塞鼻孔則死
入水不宜停久尋宜驅高處喂細草令寢處籠中半月
之後方出籠鵝惟食五穀稗子及青草嫩菜一云用胡
半飯內喂鵝鴨四五粒四五天即肥鵝則靡所不食也一云以土碗黃研細拌食喂鵝易肥

一法純養雌鵝母令雜雄常令食足則一鵝可生百卵
每年五月五日不得放栖只喂乾食不可與水則日日

生卵

所畜之地須近竹木池沼間方能存久性喜啖魚蝦蛇虺
養者雖日餉以稻穀亦須間取魚蝦鮮物喂之方能
使毛羽潤而項紅若欲使其飛舞俟其餌寔食於焉遠
處拊掌誘之則奮翼而舞調練久之則一聞拊掌必然
起舞

鶴脰斷折

墨娥小錄 袁門廣

凡鶴脰至脆易於斷折急取青竹比鶴脰畧大者截長
三四寸手劈作兩片搗白頭蚯蚓十條剗去泥土鋪滿
竹管中用線紮定再取十條與啖俟飯頃即如舊

治烏翅足折方

客座新聞

喂以芝麻仍嚼爛敷患處即瘥

養孔雀

花鏡

或養其雛爲媒或探得其卵令雞伏出飼以豬腸生菜
卽大如病飼以鐵水

養泰吉了

花鏡

每日用熟雜子黃和飲飼之其性最怕烟切勿置之薰
烟處則耐久

養鸚鵡

花鏡

用二尺高尺五闊銅架將細銅索鎖其一足于架上左
右置一銅鑊以貯水穀任其飲食若欲教以人言須離
時每于天微明將雛挂于水盆之上使其照見己影不
道人言惟知鵠教其語人立其旁隨意教之不久自會
但忌手摩若手摩其背則瘡性畏寒冷即發鵠如瘡而

殂飼以餘甘蔗可解

鸚鵡發風不食 八哥白鶲錦雞孔雀治同

夷門廣覽

尾尖上有一內珠圓如豆大以針挑破之立愈

養鳩鴿

花鏡

每日飼以生豆腐及半熟飯惟忌八月十三大煞日須密藏不露方能免死又忌養貓無貓雖無籠罩任其飛走亦不遠去若欲教以人語必須五月五日或白露日取雛閉之甕中竟夕届天用小翦修去舌尖使圓如是者三次每日天將曉時如教鸚鵡法教之良久自能作人語矣

白雀

古今秘法

初生麻雀尚未出毛以腐鼠蛆喂之便生白毛成白雀

養金雀

夷門廣覽

新捕到者以水洗其足令十分乾淨再以舌順舔其頂上數十下然後置籠中永不死此秘法也

調鷹

先將雛餓一二日使之饑腸欲絕然後兩人離丈許對立一以繩臂擎鷹一持肉引之口作聲呼之引其飛來食肉久則馴熟聞呼卽至使攫鳥獸甚捷日以牛豕肉少許飼之如欲出獵則不與之食花鏡

教鷹者先縫其兩目仍布囊其頭閉空屋中以草人臂之初必怒跳顛撲不肯立久而困憊始集臂上度其餒甚以少肉啖之初不令飽又數十日眼縫開始聯其翅而去囊焉囊去怒撲如初又憊而馴乃以人代臂之如

是者約四十九日迺開戶縱之高飛半晌羣鳥皆伏無所得食方以竹作雛形置內其中出沒草間鷹見卽奮懼之遂徐收其縫焉習之旣久然後出獵擒縱無不如意矣五雜俎

養鵠鶴 花鏡

每日飼以小米欲其角勝常持於手時拉其兩足使直置一小布袋口如荷包而底平有線可以收放者納於其中出入吊於身旁絕無跳躍閃壞之病養鵠鶴任其行走亦不飛去但怕冷嚴寒如不善料理則易凍死

養畫眉 花鏡

於廁簷之下貯以高籠籠內繫二水食罐中用南天竹一條作梁冬月使之棲止則足不冷日以雞子黃拌

米再和些少細沙與之食便不時肯叫如天氣漸炎嘗將籠浸於水盆內令其自浴則毛羽更鮮

養黃頭鳥 花鏡

取毛緊眼突者良每日以雞子黃拌米粉飼之則力猛善鬪切忌糯米作粉交夏須養竹苞內小白蟲與之食更易長但較畫眉難養片時失與飲食卽餓死

養竹雞 能去壁虱 日蟻之害

性不喜水籠底多貯以砂俾亥臥其中以當浴飼以小米或少雜野蘇子於內可經久無病如出血管二毛卽不活矣養熟雖不閉籠至晚自能歸宿

花鏡

社日前後有風當以青布罩籠藏之密室若社風吹之則眼爛而死增物類相感志

置一廚逐倉逐一格開每格畜一鴟聽其飲啄每日飼以浮麥夏月須以菜豆串之

養綠毛龜

花鏡

宜畜之水盆中以蝦與蠅軸飼之交冬除水卽藏之匣中自能伏氣不死來春清明後仍放水盆中其背上綠毛依然如舊

養蟋蟀

花鏡

先置瓦盆百餘近日有燒成促織盒每盆各致其一內填泥少許於底用極小蚌殼一枚盛水日以鰻魚鱖魚菱角蘆根蟲斷節蟲扁擔蟲飼之如無蟲以熟栗子黃米飯爲常食如促病積食以水拌紅蟲飼之治病嚼牙以帶血蚊

蟲飼之熱病以菜豆芽尖葉或棒搗蟲飼之鬪後糞結以粉青小青蝦飼之鬪傷以自然銅浸水點之牙傷以芥姜點之咬傷者以童便調蚯蚓糞點之氣弱者飼以竹蝶身痕者飼以蜜蜂如此調養促織之能事畢矣

養紡績娘

花鏡

盛小階籠內每日以絲瓜花或瓜穰飼之可久

養蜜蜂

致富奇書

菜花盛時于古穴山野間收取或編荆圃或造木匣兩頭板蓋泥封下留二三小竅使通出入另置一小門時時開視掃除令淨不使他物所侵相近簷下去蜘蛛網及防山蜂土蜂蠹蝕九十月間天氣漸寒百花已盡宜留蜂冬月所食之蜜餘者割取作蜜蠟蜂每歲三四月生黑色蜂名曰

相蜂不能採花只能釀蜜若無此蜂不能成蜜至七八月間相蜂盡死相蜂不死則羣蜂饑俗云相蜂過冬蜂族必至春三月掃除仍如前法養久蜂盛一窠止留一空王蜂王乃相蜂所生大如小指不遇蜂王分窠羣蜂夾王螯入蜂無王則死有二王則分_{王反遜位而出均}王不令人見輔飛出_{從王出者不復回}飛止則環衛其王不令人見皆有隙_{王反遜位而出均}行列用碎土撒而收之_{或用阡張紙于桶內燒烟熏之}別置一筒並忌火日一云小滿前後割蜜則蜂盛

割蜜法 先照蜂窠樣式再做方匣一二層抽去底板將方匣接放安置仍以底板襯之令蜂做蜜牌子于下停數日乘夜蜂伏而不動之時用刀割取或用細繩勒斷仍封其窠然後以蜜牌子用新生布瀘淨磁器盛之瀘存蜜漬入鍋內慢火熬煎候融化扭出渣再熬用錫鑊或瓦盆先盛冷水次傾蠟在內瀘以蠟盡爲度

養蠶

政富奇書

養法有十繭種爲先開簇時雌雄相兼而收_{凡繭尖細堅小者爲}雄圓慢厚大者爲雌七日而蛾生若有拳翅秀眉焦尾赤肚無毛及先出末後生者各揀出不用止留同時出者雌雄相配自辰至亥方折厥氣乃全生子既足三日後移蛾下連至十八日後清晨汲井水浴一次浸去蛾之便溺毒氣夏秋於通風涼房內連背相靠鈎掛至十月內捲收於無烟淨屋內頓放臘月八日依法浴畢用竿高掛于中庭以受日精月華之氣此擇種之法也

蠶未生之前預淨蠶室勿令南風吹地氣蒸蟻生四五月後用炭火薰暖室中蠶變白色已全于無烟處捲放東方白時將連鋪箔上候黑蟻全生和蟻秤連記號分

、兩多寡此生蠶之法也

蠶生足勻鋪細軟葦草切細桑葉摻于蓐上隨將蠶連
翻搭葉上蠶自下連有不下者以鵝毛輕輕拂下却秤
空連便知蠶分兩三兩蠶可布一箔老可三十箔量葉
放蠶慎勿貪多此下蠶之法也

蠶初生將次兩眠蠶屋正要暖蠶毋須着單衣可知涼
煖自身覺寒蠶亦寒便添熱火若自身覺熱量去火一
眠之後天氣晴明於巳午時間捲起窗簾以通風日至
大眠後天氣炎熱卻要屋內清涼務須臨時斟酌此涼
暖之法也

蠶必晝夜飼若頓數多者早老少者遲老二十五日老
一箔可得絲二十五兩二十八日老得絲二十兩若月

餘或四十日老止得絲十餘兩葉要均勻若值陰雨天
寒用火照消逼出寒濕之氣然後飼之則蠶體快而無
疾仍十分眠纔可住食至十分起方可投食若八九分
起便投葉飼之到老不齊又多損失停眼至大眠見蠶
有黃光便住食此飼養之法也

蠶住食卽分擡去其燠沙不然則先眠之蠶久在燠底
濕熱薰蒸必變爲風蠶擡蠶時不可將蠶推聚吞受鬱
熱必病損作薄繭眠初起時值烟薰必多黑死食冷露
濕葉必成白殼食舊乾熱葉則腹結頭大尾尖倉卒開
門暗節賊風必多紅殼若高撒遠撒蠶身與箔相擊後
多不旺俱宜防之此分擡之法也

切極細桑葉微飾不住頻飼一時辰可飼四頓一晝夜

飼四十九頓或三十六頓第二日飼至三十頓第三日飼至二十頓凡擡飼宜暖此初飼之法也

擡飼一晝夜可飼六頓次日可漸加桑葉向黃之時宜極暖此頭底之法也

擡飼起齊投食宜薄撒柔一晝夜只可飼四頓次日漸加葉此停眠之法也

候十分起齊投飼一晝夜可飼三頓次日七八頓午後天氣晴暖磨漿豆粉白米粉或熟黑豆粉與切下桑葉將溫水拌勻一箇用粉十餘兩卻減葉三四分隔一日再如此飼一頓不獨解蠶熱毒抑且絲多而堅韌有色此大眠之法也

三眠起每日再吃十五六頓約四五日卽老上山時候

以稻草爲簇布蠶於其上令其作繭七日可摘取長而瑩白者絲細大而晦色青葱者絲粗織絲莫精于南溥人綿以蛾口爲最佳織口者出蛾之繭上岸次之織湯無繕撈出者爲上岸黃繭又次之繭衣爲下初卽繭外之蒙草蠶出者爲上岸黃繭又次之繭衣爲下自蟻而三眠俱用切葉三眠之後不用切忌油礪氣煤氣尤忌零陵香蠶室不可容生人入內蠶婦不可食薑食蠶豆

養金魚

花鏡

新缸未畜水時缸以底尖平大者爲良擦以生芋然後注水則生苦而水活夏秋暑熱時須隔日換水則魚不蒸死而易大俟季春跌子時取大雄蝦數隻蓋之則所生之魚皆三五尾蝦卽須去其半則魚不傷視雄魚沿江趕咬卽雌魚生子之候取其草映日看有子如粟米大色亮如

水晶者卽將此草另放淺瓦盆內貯水寸餘深置微有
樹陰處晒之不見日不生遇烈日亦不生二三日後便出勿與大魚
同處恐爲所食子出後卽用熟雞鴨卵黃捻細飼之旬
日後隨取河渠穢水內所生小紅蟲以清水漂淨飼之
不可着多至百餘日後黑者漸變花白次漸純白若初
變淡黃次漸純紅矣如魚翻白及水泛沫亟換新水以
免傷魚將芭蕉葉根搗爛投水中可治魚泛如魚瘦而
生白點名爲魚虱急投楓樹皮或白楊皮卽愈或新磚
入糞桶內浸一宿取出令乾投缸中亦可治虱

喂金魚

用豬雞鴨血和麪蒸熟晒乾研碎每日浸爛撒喂魚便
肥壯以此代蟲屢曾試驗

養魚

致寫奇書

魚苗于仲春時汎大江乘潮布網取之初時如針鋒然
飼以鷄鴨卵黃或大麥麩屑或豆末稍大則育池中
鱗魚食草易長 白鰱白露左右始可納池中前一月
或後一月皆不育漁人攜千舟若煎炙油氣觸之則目
瞎 鮑魚出潮泥地不食他物惟食泥伸春捕盈寸者
養之秋而盈尺腹背皆肥

池不宜太深太深則水寒而魚難長漚麻卽汎遭鴿糞
及白糞多而自食之亦汎以圓糞解之 食楊花則病
亦以糞解之 魚行遊晝夜不息有洲島環轉則易長
池之旁樹芭蕉則露滴而可以解汎樹棟木則落子
池中可以飽魚樹葡萄則架子于上可以免鳥糞種芙

蓼則叢生岸畔可以避水獺 池之正北三面有日魚必聚焉浚宜特深飼草亦宜此方一日兩番至冬水寒可不食矣 飼魚不可用水草恐有黑魚點魚等子在草上大來能食魚

凡魚嘯子必沿水痕雖乾涸十年遇水相生其長甚易嘯子時以五月惟銀魚鱸殘嘯子于冰冰解三日卽生種鯽魚 茄蠶種魚經

活鯽魚用竹刀破之入水銀少許同水滓油菜碎之和拌入魚腹內再以菜裹之懸空處四十九日用河水取腹內元子一二粒置于水中以物蓋之頃之一粒卽成一魚

種鰐

取鰐剉令如碁子大擣亦覓汁和合厚以茅苞五六申作投池澤中經旬變成鰐博物志

取鰐變其肉爲屑搗亦覓汁沃之經旬卽化爲鰐如細蠹然舉而投諸池埤雅廣要

種蝦

已榨乾酒糟拌糠撒水內二日成蝦

制物

召鶴

古今秘苑

降香和樟皮弓上用者同燒則空中鶴至

召蝶

古今秘苑

取白花心陰乾夜露七日蜜拌見有衆蝶飛舞將蜜塗兩手心立上風兩手合搓相同而拍羣蝶聞香來就

招燕

花鏡

以桐木刻雌雄二燕形投井壓之燕卽至

驅燕

艾葉投燕窠中不復至

本草綱目

硃書鳳凰二字粘窠上或寫戊字不來

同上

當軒中懸一艾人或硃書鳳凰在此五幡一掛中棟餘掛前後四架梁則燕自去

花鏡

止梟鳴

本草綱目

取硃書契字置牆上俟梟鳴時投之自止

厭子規聲

先聞者主別離學其聲令人吐血登廁聞之不

但作狗聲應之

驅狐

淮南子注

以犀角置虎穴中狐不歸

辟惡犬

凡行道遇惡犬卽以左手大拇指掐寅上吹氣一呼輪至戌上掐之犬卽退伏

景岳全書

一法遇惡犬時將手指剔寅掐戌日誦雲龍風虎降伏猛獸七遍亦驗

祛蜈蚣

凡人家多蜈蚣常以頭髮燒烟或床下或廚房蜈蚣聞之入土三尺

奇方類編

仙拈集

茉莉花置床頭能引蜈蚣行厨集

禁蛙鳴

野菊花連梗葉研末順風撒去其聲卽止

古今秘苑

芝麻稻磨碎順風撒去蛙聲卽止

行厨集

或以牛胆塗器置水中亦不鳴

岣嶁神書

龜生綠毫

古今秘苑

取尋常之龜不拘大小用生薑自然汁塗背上又用汚泥塗之自然生出綠毫

螢光聚魚

古今秘苑

夏日取羊尿胞一個揉軟如紙吹脹入螢火百餘枚仍縛胞口繫於晝足網底羣魚不拘大小各奔其光聚而不動捕之必多

捕魚

碑子煮熟傾入河中則魚聚而食下罩多取

古今秘苑

燕子去毛燶熟置水中魚聞其香則來舉網易獲

全上

以猢猻毛置網四角則多得魚云魚見之如人之見鏡繡也珍珠船

集鼠

本草綱目

蟹以黑犬血灌之三日燒之諸鼠畢至

蟹螯燒烟可以集鼠

蟹黃和生漆焚之

蟹黃陰乾半夜焚之羣鼠悉至可捕

硫黃及蟹燒烟可集鼠於庭

本草注

辟鼠符



值寅月子日子時燃此符於龜上勿令人見鼠即無矣

辟鼠

通天虎

卷五

制物

清明日戌土同狗毛作泥塗房戶內孔穴蛇鼠諸蟲

永不入

本草綱目

或正月上辰日塞鼠穴其鼠自絕

伏斷行集

塞鼠穴亦驗

神后土

神后日正月起順行十二辰逐日旦日取塊屋之四角及塞

鼠穴一年鼠皆絕跡

本草綱目

木刻猫一個用黃鼠狼尿調五色畫之放家堂上其鼠

永不來

夷門廣牘

或用黑犬血和蟹燒之諸鼠悉去

夷門廣牘

用蟹中黃陰乾同安息鱉甲芸香焚于屋中四壁上下其鼠自然走出逃于野外不得傷之

古今秘苑

或以荷梗塞其穴鼠自去物類相感志

或取大雄鼠一個剖去其心放之滿屋自咬鼠死

夷門廣牘

或用桃頭椿樹皮絲瓜梗葉等分晒乾研末加信一錢燒之卽遠去

全上

金猫辟鼠法

壽世

椿樹葉冬青葉絲瓜梗葉等分每四季焚于堂中其鼠遠避一年燒四次

捕虎

廣異記

凡虎出入皆有鬼引導鬼好酸以烏白等梅及楊梅布之要路餌若食之便不見路虎乃可獲

辟蛇

于四壁桂上用倒流水研墨書龍字貼之蛇見自畏
或多用小片磚瓦寫儀方二字置于高下偏僻之處蛇
蟲見之自退

夷門廣牘

或端午午時用硃砂寫茶字倒貼之蛇不敢近

全上

乾薑雄黃等分爲末用絹袋盛繫臂上男左女右蛇聞

其氣自然遠避

證治準繩

蛇畏雄黃山居人每用雄黃如桐子大燒烟以熏衣裳
被禱之類則毒不敢侵矣

仙桔集

人家園圃中四圍種草決明蛇不敢入

汝南圃史

取雞糞子上風燒蛇自遠遁

古今秘苑

荔枝核桂圓核同燒蛇卽醉軟不能行動

全上

燒殼羊角及頭髮則蛇不敢來

朝野僉載

倒拖蛇不出以鍼劄其尾卽出

瑣碎錄

桑柴燒之則見足

古今秘苑

制蚊符

合參述書

東方朔傳記

用天師三指頂水二指書收于閒處口念咒云

祖在師國子孫在界州原來是水性生成老蚊頭吾今
奉帝令敕尔水中浮姑蘇姑蘇敷法書符吾今口念咒
逐尔歸湖天靈地靈蚊蟲之類不得留停盡歸一
角不得動聲謹奉太上老君急急如律令敕速速
放蚊咒曰 放蚊蟲速速上天宮准吾法令念此咒此
扇不是凡扇此水不是凡水長脚蚊公短脚蚊母我今
晚與你同我睡盡皆化爲塵蚊蟲蚊蟲放你歸山
尋祖宗急遵老君急急如律令

辟蚊

日蝕時用紙捲左股繩先向外搓合向裡月蝕時捲右股繩先向內搓合向外各長五丈小尺又可合作一繩如筋大以此圍臥處則蚊不敢入

夷門廣牘

蟾酥浸長線一條圍臥處蚊不敢入

惠直堂
靜耘齋

用鱉甲夜明砂同搗爲末燒之

古今秘苑

或鰻魚連皮骨晒乾攬蚊烟內燒之蚊化爲水

仙桔集
惠直堂

一方四月間收棟樹花及葉陰乾同燒薰上用青草少

許蓋之

古今秘苑

一方五月取紫貝浮萍陰乾熏之卽絕

卽絕

一云以好醋

浸浮萍一宿陰乾熏之

孫真人方

一方端午日取浮萍晒乾爲末樟腦桂圓丸如彈子大

夜間焚之蚊化爲水

古今秘苑

桂木屑苦棟木葉蒲黃黃米粉等分撲在身體上蚊不

敢近

戲術書

水閉日作帳無蚊

辟蚊藥

仁安堂經驗方

白芷 番木鱉

切片

川芎

乾浮萍

艾

白蟻骨

各二兩

雄黃

蒼朮

各一兩

爲粗末米湯丸如彈子大加樟木屑一兩燒之

辟蚊藥

仙桔集

黃鱗骨晒研同鋤木屑捲筒燒之其蚊不敢近

鱉益土炒棟花苦參藜蘆川芎爲末裹肉爲丸晒乾燒

蚊不敢近

辟臭蟲

遇歷上畢除日濃墨蘸筆於黃紙上一筆書大將軍在此五字貼床下勿令人知臭蟲盡滅 行厨集

用蕎麥稈鋪床再用蕎麥楷熬水澆淋其蟲卽死 全上
或銀杏連皮搗汁漿淋臭蟲除根 全上

醃蒜苗乾置床下卽無 全上

五月五日午時用香草鋪于床上如無用紙包樟腦十
餘包分布床上其蟲自絕

龜殼鰐骨樟腦砂白礬共爲末入香爐內熏之臭蟲
盡絕

牛頭骨一個秦椒半斤共入火盆內用鋸木屑燒烟將
門窗緊閉勿令出烟其蟲目死 仙姑集 良朋彙

好安息香外塗銀硃點着熏之盡死 行厨集

頭一蠶沙燒烟熏之 全上

木瓜燒烟熏之 全上

馬齒莧二兩白鴿屎石菖蒲各一兩雄黃三錢研末熏
之卽絕

鯁頭骨川山甲共研末燒烟在床下熏之其蟲俱死 澄江
天麻子搗爛烟熏有臭蟲之處永不復生 澄江經驗方
九頭獅子草取回放床四角每角用一二三顆置草荐下
任其自乾去臭蟲神妙 仙姑集

樟腦五錢信石一錢鱠魚乾二錢共研末包放席下 綱
或臘月廿四日謝竈殘燭收好候來年五月五日午時
不與人知點一枝放床下燭完盡去 本草綱目

辟臭蟲丸

仙拈集

白芷

蒼朮

雄黃

番木鱉

等分爲末燒酒丸如龍眼大每日用一丸微火燒熏緊閉門窗使藥氣不泄連燒三日其蟲盡化爲燐殼

又方集驗良方

白檀香

芸香各一兩

吳茱萸五錢

爲粗末炭火內燒烟熏之

要屋內不透風

或用樟腦熏烟可辟臭蟲虱蚤毒蟲等物

除木虱咒

夷門廣牘

張三賢買了木瓜不還錢一去三十年

書于紙上貼

床腳自能消除

或書欠我青州木瓜錢七字貼床脚亦驗

髮內生蟲

用銀硃四五分揩擦厚紙上火點着置乾碗內上用泥碗微露縫益之待熏盡其烟升于濕碗之上仍以手指揩擦髮中覆以檀帽蟣虱盡絕

仙拈集

或以水銀和蠟燭揩之一夜皆死

摘元方

大楓子研碎燒酒和塗

銅綠明礬爲末摻之

本草綱目

摘元方

藜蘆爲末摻之

直指方

百部煎湯洗之

本草綱目

細茶葉一錢口中嚼爛同水銀五分揉一處擦之卽死永不再生

衣服生蝨

百部、葵花等分爲末入竹籠燒烟熏之自落亦可煮湯
洗衣永不再生 本草綱目 惠直堂

百部水銀茶葉各一錢黑棗九縫帶束身永不生虱
葵花百部等分煎汁洗衣永不再生 惠直堂 静耘齋

水銀白菓紅棗宮粉等分研爛搽于紙條內入布袋縫
緊束腰中蟻虱盡絕 仙桔集 良朋彙集

白菓二三十枚加水銀二三分搗研野菊花三錢研末
和漿攪勻漿衣永不生虱 古今秘苑

辟虱

聞見後錄

取新筆蘸濃墨向北方吸氣一日噴于筆端書欵深淵
默漆五字置床帳間虱盡除

八角虱

生男女陰毛中八足而扁或綠或白肉中挑出
癩不可當

烟油調雄黃搽之效

續壽世編

生白果搗爛擦之卽痊

本草綱目

銀硃燒烟熏之

全上

百部煎水洗之遂成空殼

靜耘齋

檳榔煎水熏洗亦效

辟蚤虱

天茄葉

一各
龍葵
鋪于席下次日蚤虱盡死

本草綱目

木瓜切片陰乾鋪席下亦效

耀仙神隱

蟹殼燒烟熏之

摘元方

辣椒曬乾鋪床祛蚤虱

行厨集

菖蒲研末摻鋪席下去蚤虱

全上

三月三日收苦楝花或葉放席下可辟蚤虱

願體集

臘月子日曬薦席去蚤虱

臘後水日弗令人見以淨水洗床席毡褥能辟蚤虱臭蟲

祛蚤

桃葉煎湯澆之蚤盡死

五雜俎

以芸香置席下卽去蚤

聞見錄

清明日用熨斗盛炭火炒棗子卧帳內土下透燙烟氣則蚤不生

願體集

五月五日用熨斗燒一棗置床下能辟蚤

願體集

絕蛆

本草綱目

投薺菜一把于糞缸內蛆自絕

醬內生蛆

物類相感志

草烏五七個每個切作四片排在醬四邊及中心其蛆自死永不再生 若加百部尤妙

絕蜓蚰

願體集

清明前二日多取螺螄浸水至清明日以此水灑牆壁斃砌蜓蚰自絕

絕蠅

行厨集

五月五日收浮萍投廁中自絕

驅蠅

橐本煎湯浸抹布拭酒器及卓子蠅自不來

古今秘苑

陳茶末燒烟熏之

全上

以稻草索數條懸壁間蠅盡集不來席上物類相感志

五月五日以硃砂寫白字倒貼壁柱上則蠅遠去

願體集本草綱目

臘前三四日雪收貯至夏取灑几席間蠅自遠去

本草綱目

臘八日懸猪油四兩于糞坑上則夏月無蠅

行厨集

酒灑柳枝掠座側蠅卽齊集柳上

本草綱目

救蠅溺死

本草綱目

將蠅置草灰中須臾復活

齊民要術

夏月飯甕井口邊蟲蟻爲害

願體集本草綱目

清明節前二日夜雞鳴時炊黍熟

願體集本草綱目

取釜湯

願體集本草綱目

鍋熱水

集云

遍洗井口甕邊地則無馬蛆百蠅不近井甕

矣

願體集云蟲蟻不生甚是神驗

井泉陂塘內蟲蛭爲害

本草綱目

投馬骨則絕

辟蠅

清明日收薺菜巴豆共研汁擦厨籠上其蠅自絕
上已日採薺菜花鋪竈上及坐卧等處可辟蠅
以杉木炭畫路則蠅不敢過

七修類稿

肥皇煎湯洗抹布拭桌及器皿蠅不敢上

行厨集

治白蟻

養竹雞一對或一隻蟻聞其叫皆化爲水

并去壁虱古今秘苑

白蟻性畏煙炭桐油

古今秘苑行厨

白雞之雄亦能化白蟻

辟蠹

諸物被蠹薺菜燒烟熏之則蠹蟲皆盡

古今秘苑

置鰐骨于衣箱書櫃中則蠹魚蛙蟲斷絕

行厨集本草綱目

鰐骨燒烟熏檀及屋舍竹木能斷蛀蟲

本草綱目

五月五日取蒿苣頓廚筭中辟蟲蛭

七月七日收角蒿置檀櫈書籍中可辟蛭

九月九日收茱萸撒置厨筭中亦可辟蛭

青蒿子採置應切盛貯器物中極能辟蛭

樟腦燒烟燻衣篋簾席之類可去壁虱蛭蟲

辟花木諸蟲

花鏡

凡種花草時根下置白蘞末最能辟蟲患

土炕中先置甘草一寸大蒜一枚然後種樹不生蟲
元旦雞鳴時以火把照桑樹果樹則無蟲

清明日子時以稻草縛花樹上不生刺毛羊辣等蟲

樹生毛載蚜蟲以魚腥血水洒其葉上不久自消

樹生癩蟲以甘草削釘鍼之自消

惟蘿蔔忌用甘草作針否則立枯

樹生青蟲以多年竹燈架挂其上即除

或用桐油紙

撲條瘡蛭眼亦可

樹生蓑衣蟲以芝麻梗挂樹上即除

樹生刺毛蟲用甘草煎汁洒樹上即絕

樹有蠹孔彈竹箥于孔邊如蒲蟲聲其蠹自出 或以

杉木爲針閉塞其氣蠹蟲自死 或以硫黃末塞之

如蛀穴深曲以焰硝硫黃雄黃作紙藥線紙穴中焚之
蟲聞烟臭則死 或芫花或百部葉納穴中均能去蟲

桃實生蟲

花鏡

取煮猪頭淡汁冷澆之則不蛀

桃生蚜蟲以多年竹燈檠掛樹梢間則蟲自落

橘樹生蟲

花鏡

幹生苔蘚須速刮去見蛀骨飄出必有蟲穴以鐵線鉤索之再用杉木釘塞其孔

一法以修馬蹄屑塞之

柑樹生蟲

種樹書

取蠶窠于其上則蟲自去

楊梅樹生癩

致富奇書

以甘草削釘釘之卽愈

林檎梨樹生毛蟲

物類相感志

花鏡

埋蠶蟻于樹下或澆海魚腥水卽除

桂樹蛀損

物類相感志

花鏡

取芝麻梗帶殼束懸樹上能殺諸蟲

槐生蟲

花鏡

擣皺于樹下則盡落

去桑牛

桑樹上所生之蟲名桑牛

致富奇書

急尋其穴以桐油抹之卽死花鏡云根下埋龜甲則盛不蛀

瓜生蟲

天多霧所致

農政全書

將灰散布根下一兩日培之以土則蟲盡死

以泥礬前湯候冷灑之蟲自死

桐油入掌澆之能去蟲

花鏡

茉莉根生蟲

致富奇書

取烏頭前湯冷灌之卽除

瑞香根生蟲

花鏡

通串 卷五
以小便澆之卽絕

菊生蟲

致富奇書

剪頭者名菊虎其蟲紅頭黑身夏至前後每于辰巳二時專剪菊頭宜于早間及巳午未三時尋殺之一云小日尋若菊頭被咬見日卽垂視咬傷處去寸許卽掐去無害遲則毒攻致生秋蟲

傷根者曰蚯蚓權以石灰水灌之自死速將河水連澆以解灰毒

瘡頭者曰菊蟻以蟹甲置旁引出棄之或魚腥水洒葉或澆土則除

瘡枝者曰黑蚰以麻裹著頭輕捋去之

賊葉者曰象幹蟲似蠶青虫與葉一色以鐵線磨鋒尋穴殺之

蘭生蟲

花鏡

葉上生黃白斑點謂之蘭蟲用魚腥水洒之或研大蒜和水或以白筆蘸蚌水沸洗葉上數次則絕

牡丹枝梗蟲

花鏡

尋其蛀眼用硫黃或塞或熏或用杉木作針釘之自斃

薔薇腦蟲

花鏡

以傾銀爐灰撒之自死

月桂花蟲

花鏡

以魚腥水澆之

盆榴蟻蚓作穴

花鏡

用米泔水沉沒花盆浸約半時取出日曬如土乾又復浸之則無矣

花盆生蟻

花鏡

以香油或牛骨置蟻穴引出棄之

花盆生蠅

花鏡

以鴨糞壅其穴自除 或先澆灰水再以清水解之

辟鳥雀偷啄果實法

花鏡

以生人髮掛樹上自效

救度魚鳥咒

行厨集

凡遇人捕魚鳥默念南無寶勝如來七遍魚鳥得脫
又法見人垂釣布網但虔誠默念揭誦咒七遍可使終
日無獲

救魚鳥咒

樂生集

見人捕魚鳥者一心專注其人不起別念默念佛號十

聲或百聲愈多愈驗 念曰南無多寶如來南無寶勝
如來南無妙色身如來南無廣博身如來南無離怖畏
如來南無甘露王如來南無阿彌陀如來<sub>宜處宜
多宜默</sub>
拔燈上飛蟲咒 樂生集

用草一根長七寸許或稻草心亦可雙手拱執肅儀淨
口對草念咒七遍橫置燈盤上卽無飛撲之害 咒曰
波利瑟吒護生草救度衆生離煩惱此咒試有奇
驗幸虔誦之

一法清明日取楊柳枝七條浸淨水中將燈草同浸虔
對盆水持念南無慈悲救苦觀世音菩薩一千遍燈草
浸一日至晚取出陰乾勿晒夏月用以點燈飛蟲目不
投入屢試神驗

止百蟲飛入燈咒

夷門廣牘

古今秘苑

每夜初上燈時先執燈草在手誦咒曰 波利瑟吒護
生草救護眾生離煩惱一氣念九遍然後將燈草置盞
內點之諸蟲不入

辟燈蛾咒

奇方類編

夏夜欲張燈于院內揀青草一根長三寸左手執之向
燈焰上旋轉誦咒曰 護身草護身草超度眾生離煩
惱一氣七遍以草橫擔于燈上蟲蛾不樓油中

辟燈蛾

傳家寶

臘月四九內雪水浸燈草晒乾點燈蟲蛾俱無能近救
萬千生命功德無量

又法 居家宜忌

清明日太陽未出之時採薺菜莖陰乾以代燈杖可辟

蚊蛾

又法 傳家寶

臘榨油點燈能辟蛾

行步不傷蟲咒 樂生集

街路蟲蟻常忍踏傷須先端肅默念咒三七遍隨所去
處不致傷命 咒曰唵地利日_音利娑婆訶

護生陀羅尼

樂生集

佛言水中有微細蟲類凡眼不能見者故律中教人以
囊盛水方飲若人能虔書護生陀羅尼沉于何井及盛

水器中并爲誦咒念佛號七遍其蟲皆生善趣 陀羅

尼云 完正夙乞工凡乞乞此卽唵縛悉波羅摩尼

筆爲此九字于片木

土桐油油過沉水中

念佛號曰南無歡喜莊嚴王諸

佛南無寶髻如來

戲術

雞蛋升空

物類相感志 古今秘苑

雞子開小竅去黃白盡入露水冷滿油紙糊口日中晒之可以自升起離地三四尺

水面浮字

物類相感志 古今秘苑

礬二錢黃芩五分爲末寫字于紙上人水中沉去紙則字畫脫于水面上

燈下傳書

古今秘苑

取鷺粉書于素紙上白日不見燈下照之即見

暗裡傳書

古今秘苑

鹵砂三粒用淨水研細淨筆染書紙上候乾初不見字

向火微炙或日晒即如墨書

鴨蛋有字

古今秘苑

將牛胆汁寫字于生鴨蛋上候乾煮熟去殼其字即透蛋內青黃相間可觀

白紙見字

古今秘苑

物類相感志

礬水寫字于白紙上候乾以五倍水澆之則成黑字搖會角勝 古今秘苑

用硃砂書各會友姓名踏于左足底再將自己姓名藏于帽上勿令人知對東方連搖三下見骰即去坐定勿動其骰獨勝

解鎖符

戲術書

山車

書符其鎖自然解脫

劍頭不須刀

夷門廣牘

石黃

石灰各一兩 檀腦二錢

爲末水調擦髮上待乾其髮自落

又方

夷門廣牘

石黃石灰硫黃各一錢研末水調擦髮上一時用刷子

刷下

春毬

古今秘苑

用爐淨稻柴灰或用炭灰湯三飯碗下鍋燒滾逐漸移下松香細末約兩許急將箸旋摻旋攪再煎幾盞令過用箋紫圈如茶鍾口大蘸湯酒向空中結泡大如飯碗五色飛揚可玩

頃刻種菜 種瓜瓠亦用此法

羣芳譜

用新雞頭生卵從頂中間小竅去黃白納菜子紙封固與母雞伏七七日如一雞不能畢再與他雞伏足其數播濕地種之須臾菜出

又法

羣芳譜

以菜子在三伏中曬過須雜麻莖內心播之頃刻卽出曬一年長一寸曬過三年卽長三寸若五年七年卽長五七寸

頃刻種瓜

戲術書

雞子一枚去白存黃將瓜子入殼內攬勻裝滿綿紙封固放雞窠內哺俟雛出時用厚朴官桂甘草各一錢爲末將瓜子拌勻仍入殼內封密埋在墻邊要取土氣燄潤不可令乾用膳取濕棉花包一粒藏在身邊再取鬆

泥一碗將瓜子放碗內少刻長大開花
頃刻蓮花

戲術書

蓮子七枚同前放鷄卵殼內哺二十日取出用茶洗淨入匣內用時濃湯將蓮子洗過放在碗內泥中小刻開花

製豆擊蠅

書影

取壁間蠅虎十餘枚寘罌中緘其口仍捕蠅數十下投之令爭噉噉盡則自爲糧脯大吞小強腦弱展轉畢命其餘其一更無所獵食故令人餽以困之度且斃輒餌小黃豆一其蟲始蠢然少焉眈眈而睨聳身搏之既堅不可食復盡力不捨卒取豆以死取豆置几案間凡蠅飛集稍近去五六寸許豆卽能自起擊殺蠅百不失

拂陽令冷

增物類相感志

取溪中水沫令乾爲末投陽中卽冷而不拂

淨水變黑

戴立泉傳

淨水一碗取皂礬少許暗藏指甲內捏作畫符少頃礬落水內再取濃茶一小杯傾入水卽變黑

雨天點火

珍珠船

本草綱目

佳人變鬼

蜀葵夾竹作火把同點風雨不滅亦能雨天作蠟燭點面有敝色要解以石灰水搽之卽落

汗巾包酒

古今秘苑

病一個白礬二錢調勻漿汗巾上晒乾帶席間盛

酒不漏

一云止用雞子清亦可

古今秘苑

雪中燒酒

大石灰一塊暗埋雪內將酒壺放雪上少頃灰化則酒

熱可飲

斟酒不溢

車渠爲杯注酒滿過一分不溢試之信然

丹鑄總錄

無名異磨杯口注酒雖浮于杯却不溢出

古今秘苑

壁上燃燭

戴立泉傳

取樟腦少許暗置壁孔中次畫燭樣一枝于壁上燭尖

恰當樟腦處以火點之即燃

口中含火

朱醒坡試過

吹燈不滅

鰲頭雜字

紙燃蘸油

油須憂乾坤致溫舌

點火懸空納

口中微微呵氣火頭

自然向外

吹燈不滅

使鬼吹火

鰲頭雜字

焰硝硫黃各二分黃丹少許共爲細末和勻捲作細條

子點燈吸之不滅

硝石硫黃等分研細放紙上捲成條將火點着儼如人

吹

使鬼撻門

鰲頭雜字

天南星大者爲末米醋調勻塗紙粘于門上夜靜時如

人打門之聲

目能打鬼

本草拾遺

吞烏鵲目令人見諸魅或研汁注目中夜能見鬼
鴟目吞之令人夜見鬼物

線灰懸錢

薛居敬傳

絲線一條浸鹽滷內二三天取出晒乾下墜錢二三支
取火燒線線雖成灰其錢懸掛如故

紙蝶飛空

鰲頭雜字

正揚起石不拘多少搗爛如粉清水調刷白紙上陰

乾前成蝴蝶向烈日颺之片片高飛

盆遊紙魚

鰲頭雜字

狗胆鯉魚胆共一枚和勻搽紙上候乾剪成魚式放水

盆中須臾其魚自走不定

木狗首

一截雕成犬式以膠水并鹽醋調和鐵屑塗犬頭
上候乾以上好磁石暗藏手內引之其犬隨手而走
留魚待客

鰲頭雜字

春月取燕卵開小孔取出清黃放魚子于內仍與燕伏
過收好用時以盆盛水內用些土將魚子放水盆中
自能漸成漸大

燈上蛇影

鰲頭雜字

小蛇一條打死取血染燈心數條候乾燈上焚之即現

蛇影

